


Den programa radial di partido AVP, segun Eddy Croes

Nelson Oduber no ta bin bek den Gobierno

ORANJESTAD- Partido AVP ayera a tene un biaha mas su programa radial cu tur siman ta wordo transmiti, via Canal 90, directamente for di un cas den pueblo di Aruba. E sintonia di e programa aki ta grandi y ta acaparando mas y mas atencion pa su forma unico y esaki ta wordo refleha dor di e feedback cu partido ta haya dor di esnan cu ta scucha e programa.

Ayera, un biaha mas integrantenan di partido AVP tabata di bishita den un cas na Madiki, esta na cas di sra. Elisabeth Hock, na unda tabatin un publico grandi presente pa duna su sosten den lider di partido mr Mike Eman y otro integrantenan di partido AVP.

Mike Eman a cuminsa na yama bonbini na tur presente, na tur radio-oyente y na mes momento a gradici sra. Hock pa a pone su cas disponibel pa partido. Mike Eman a conta cu famia Hock ta un di e tronconnan di partido. Di biaha el a presenta e miembronan di partido cu tabata presente na e cas na Madiki cu ta sr. Benny Sevinger, un persona di Playa Pabao y conoci tambe den e bario ey na unda ela lanta, sr. Eddy Croes, veterano di partido AVP y sra. Yolanda v.d. Linden, kende ultimamente a join partido. Mike Eman a conta con un rato prome e por a mira y scucha Prome Minister di Aruba sr. Nelson Oduber na television na unda ela trata na hustifica e pakico no po duna indexering na e empleadonan publico. Eman ta bisa cu no



por ta otro cu pueblo mester sinti su mes sumamente defrauda despues di a tende sr. Oduber papia, ora e ta splica cu tin demasiado empleado den aparato gubernamental y cu tin demasiado gasto. Gastonan cu ta e gobierno di e propio sr. Oduber aki a percura pa nan. "Prome Minister Oduber ta haci manera cu ta ayera ela drenta gobierno", asina Mike Eman a remarca, pero Oduber ta lubida cu ya ta bai haci cuatro aña cu e gobierno

aki ta gobernando Aruba, a gasta placa na granel y ta e e gobierno aki mes a percurapa e cantidad di empleadonan publico a subi y tambe a percura pa e gastonan atronomico cu tin. Ta pa e motibo ey cu e no tin e autoridad moral pa bisa cu no tin placa pa indexering, pero mester bin na radio pa admiti cu ta su gobierno a distribi placa door di huurmento di edificio di famia, dor di sera contract cu abogadonan amigo, dor di duna trabao na

amigo, compinchi y famia, dor di duna studie-opdracht na jiu cu no tabata merece esaki y asina por sigui. Ta un hecho cu e gobierno aki no tin atencion pa e pueblo di Aruba.

Sr. Fa Orman, un habitante di Madiki, tabata presente na e cas di famia Hoek, a remarca cu e gran audiencia cu tin den e cas ta muestra cu e pueblo di Madiki ta cu partido AVP. Despues cu e mes a duna e gobierno actual su sosten, el a bin mira cu nada di locual a wordo priminti a wordo cumpli cu ne. Hopi hende ta pasa trabao, ganando un salario minimo, e hendenan casi no por biba. Pio si mira cu gasto di bida ta subi casi diariamente y e ta wak cu gobierno no ta haciendo nada pa bin cu un solucion. Benny Sevinger a subraya locual cu sr. Orman a bisa. Gobierno ta azotando e pueblo aki cu medida, pero di otro banda e actual gobierno ta huur 9 edificio na balor di 5 milyon florin di un ruman di Minister Rudy Croes. E integrantenan di partido MEP a bishita

hende na nan cas durante campaña, a sinta den nan stul y for di eynan a gaña nan cu promesanan falso, pasobra awe nan no por cumpli. Pero no ta sr. Oduber mes a bisa pa tur hende tende. "Promesa di campaña ta un cos, gobernata otro cos". Tambe ela bisa cla y raspa cu gobernacion ta un triki. Palabranan di un Prome Minister di un pais. AVP semper a bin cu plannan realistico, manera e Plan di Rescate, despues di e ciere di Lago cu a funciona optimal, mescos cu e Plan di Bario. Atrobe partido AVP tin un plan realistico riba cua e ta trahando cu diferente hende den e comunidad aki. Un plan cu lo yuda turesnan riba e isla aki bai dilanti. Un plan tambe pa drecha e situacion y e infraestructura na Madiki. E Plan tabata tey caba y mester a wordo implementa na aña 2003, pero e gobierno aki a lage den un lachi y ta un horcan mester a pasa pa lanta nan for di soño. Tur hende ta

sigui lesa Pg. 43

HAPPY VALENTINE!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Welcome Woman
**SPECIAL
PRIJS**